

鑊琴銅劍樓藏書目錄

1702  
836  
4







鐵琴銅劍樓藏書目錄卷第八

常熟瞿鏞子雍

史部

正史類

史記集解一百三十卷

宋刊本

首行題史記集解序次行之半題裴駙二字三行即  
序文序末無結銜序後又行曰五帝本紀第一又行  
曰史記一下注凡是徐氏義云云又行即正文卷末  
曰五帝本紀第一以下卷式略同每半葉十四行行  
二十四至二十七字不等注每行三十四至三十九  
字不等敬竟殷匡恆字皆闕筆而禎貞字不闕仁宗  
以前刊本也隋唐志皆作八十卷此本仍依史記篇





目與志不合然晁氏讀書志陳氏書錄解題皆作百三十卷其不從舊第已久矣此本與震澤王氏翻宋本及明監本毛本有異者今略舉之如殷本紀有炮格之法不作炮烙周本紀亦同凡見三處漢書谷永傳亦作炮格秦始皇本紀至于萬世不作千萬世毛本不誤項羽本紀籍何以生此不作至此毛本不誤呂后本紀迺陰遣穎陰侯灌嬰將兵擊之遣上不脫陰字孝文本紀淮陽守申徒嘉等十人不作屠嘉毛本不誤聞帝之代欲擊胡擊上無往字孝景本紀安危之機豈不以謀哉王本脫謀字孝武本紀使者存問所給相連屬於道不脫相字今年豐未有報豐下無廡字蓋若獸為符下王本衍是甘泉更四字案此四字雜入晉灼注不全語乃令越巫立越

祀祠安臺不作祝祠推歷者以本紀不作本統天子既令設祠具至東泰山不作其至毛本不誤十二諸侯年表周惠王四年無誅頽惠王入五字王本無入字晉惠公夷吾誅里克倍秦約夷吾下無元年二字梁好城下居民王本城誤成泓之戰楚敗公不作敗之毛本不誤定王二十一年有定王薨三字王本脫秦景公三十六年公弟后子奔晉不作秦后子來奔晉楚昭王四年吳三公子來奔不作吳王公子毛本不誤晉定公二十一年趙鞅拔邯鄲王本拔誤救宋景公二十八年伐魯不作伐晉監本作伐曹毛本不誤六國表燕釐公三十年敗齊林狐不作林孤監本作林營魏景湣王五年秦拔我垣衍蒲陽七字王本全脫秦楚之際月表鄉秦之楚不作



之禁梁擊殺景駒王本殺誤救漢興以來諸侯年表  
韓王信元年信故韓王孫不脫信字毛本不誤徒清河二  
十年是為剛王王本脫二十兩字漢高祖功臣侯年  
表故城下第八格王本脫二十六三字深澤下第七  
格有罪絕二字王本脫襄平下第八九格夷吳不作  
夷吾陸量不作陸梁江邑下第三格十一年正月王  
本正誤五須昌下第七格有五年侯不害有罪國除  
九字王本全脫高陵下第三格圉侯周元年王本誤  
圉侯建元以來侯者年表龍亢侯第二格以校尉摎  
世樂擊南越不作摎世樂建元以來王子侯年表茲  
侯下第四格元朔三年侯明坐謀反云云王本誤列  
第五格禮書為之金輿總衡不作錯衡毛本不誤疏房牀

第几席所以養體也不脫几席二字毛本不脫情勝之為

安不作情性毛本不誤樂書徵動心而和正智不作正禮

羽動腎而和正禮不作正智律書大至君辱失守不

作窘辱案索隱徐廣云如宋襄公是當從君字自年六七十下無翁字

天官書魁海岱以東北也王本東誤惠火為旱王本

火誤水為八歲二百二十日王本八誤百辰星天攬

不作天攬毛本不誤天狗狀如奔星奔上無大字其狀無

常常出於有道之國王本少一常字星莠於河戒王

本脫戒字封禪書則五岳四瀆皆并在東方王本五

誤天堂下巫先司命施摩之屬不作施糜毛本不誤置酒

壽宮神君最貴者大夫神君下不復衍壽宮神君四

字大夫不作太一卿有禮書曰不作札書其後令帶



奉祠候神物王本奉誤春祠官不主王本官誤宮平

準書黃金一斤黃上無一字毛本東置滄海之郡不

作東至漢書亦作置欲以主鹽鐵錢不脫錢字燕召

公世家及老而以啟人為不足任天下不作任乎天

下百姓恫恐王本誤恫怨宋微子世家楚其王伐宋

之彭城不作拔宋縣而射之命曰射氏不作射天晉

世家曲沃莊伯聞晉鄂侯卒王本脫鄂字趙世家是

非先君之意而后妄誅不作而今妄誅毛本魏世家

無忌歸魏率五國兵攻秦敗之河外毛本不作河內毛本

韓世家魏敗我韓舉我下無將字毛本陳涉世家陳

王與之將軍印西擊秦不脫秦字毛本外戚世家詩

始關雖下無書美釐降春秋譏不親迎二句此宋本脫文

徙其家之長安不作從其家毛本齊悼惠王世家志

亦齊悼惠王子不作志以毛本陳丞相世家陳平欲

讓勃尊位乃謝病不作病謝毛本周絳侯世家許負

指其口有從理入口曰此餓死法也不作指其口曰

有從理入口此餓死法也列傳亦以伯夷居首不同

王本以老莊與伯夷同傳不可稱數也不作勝數毛本

不老莊申韓列傳始秦與周合合五百歲而離離七

十歲而霸王者出焉不同今本作始秦與周合而離

離五百歲而復合合七十歲而霸王者出焉高郵王

後人依周秦本紀改之也蘇秦列傳趙涉河博關王本關誤闕虞

卿列傳必且欲破趙軍王本脫趙字信陵君列傳今

邯鄲旦暮降秦而魏救不至安在公子能急人之困



也三句王本脫去李斯列傳尊王為皇帝不作尊主

監本不誤龍變而從時不作就變故吾願肆志廣欲不作

賜志監本不誤若此則可謂能責矣能下無督字季布樂

布列傳夫諛壯士以資敵國不作忌項王所以遂不

能西徒以彭王居梁地與漢合從苦楚也不同王本

監本徒作徒屬上句讀高郵王氏云此與漢書項王

梁地與漢合從苦楚也合今袁盎鼂錯列傳君能日

飲無苛王本苛誤奇監本苛誤何萬石張叔列傳朝

奏事如職所奉不作所奏田叔列傳伏法而太后食

不甘味伏上無如其二字扁鵲倉公列傳臣意診脈

日壯疝不作牡疝三處皆同韓長孺列傳智足以當世取

合不作取舍衛將軍驃騎列傳太僕賀為左將軍王

史記

本左誤列司馬相如列傳雍容閒雅甚都王本甚誤

是而令文君當鑪王本脫當字鬱撓谿谷不作鬱撓

巖突洞房不作巖突毛本不誤廝征伯僑不作北僑騁游

道而循降兮不作馳游道而脩降兮毛本循游俠列

傳此如順風而呼不作比如監本不誤軹有儒生侍使者

坐王本侍誤待滑稽列傳巫行視小家女好者不作

人家毛本不誤貨殖列傳走死地如驚下有者字毛本不誤

王氏云宋本有者字是也上文不避太史公自序易

湯火之難下文不擇老少皆有者字

大傳天下一致而百慮王本脫天字舊為傳是樓藏

書卷首有尚志齋乾三卷至三十卷論一百二十卷

史記十四卷宋刊殘本一百三十卷與漢書志刻及書

宋裴駙集解卷長六寸寬四寸每半葉十四行行二



藏書目錄卷八 五  
十七至二十九字不等注每行三十一至三十四字  
不等全書分一百三十卷與晁氏讀書志陳氏書錄  
解題合今存第二十三卷至三十卷第一百二十卷  
至一百二十二卷第一百二十八卷至一百三十卷  
北宋刻史記集解正義本各單行南渡後始合刻之  
此本殷敬貞徵字闕筆而瑱字不闕當出神宗以前  
刻本注文尙全可正監本脫譌如河渠書岸善崩句  
下監本脫如淳曰洛水岸六字太史公自序易大傳  
句下此引張晏曰謂繫辭監本譌作正義板刻楮墨  
俱極精好較耿氏蔡氏本尤爲罕觀舊爲汲古毛氏  
藏書卷首有海虞毛表  
奏叔圖書記朱記

史記七十六卷元刊  
殘本

宋裴駟集解唐司馬貞索隱張守節正義全書一百  
三十卷今存本紀四至六表一至四七至十書一至  
八世家八至十二列傳二十九至七十集解索隱正  
義合刻者始於宋淳熙時是本一遵其舊其十二諸  
侯年表後有墨圖記云安成郡彭寅翁鼎新刊行舊  
藏愛曰精廬張氏

漢書一百二十卷宋刊  
本

首行高紀第一上雙行注師古曰云云空一格題班  
固又空一格題漢書次行低六格題秘書監上護軍  
琅邪縣開國子顏師古注三行本文後題二年九月  
校書畢凡增七百四十一字損二百一十二字改正  
一千三百三字與監本首載宋景文所用參校諸本



中之景祐刊誤本合案高紀二年六月置中地郡服  
虔注中地在扶風監本載宋祁曰注文在扶風刊誤  
改在字作右此本正作右又十二年上問醫曰疾可  
治不醫曰可治宋祁曰舊本及越本竝無不醫曰可  
治五字此本無之是景文所刊落者卽刊誤本可知  
也錢氏養新錄謂所撰漢書考異正監本之譌而與  
景祐本合者有十數處今核此本如哀紀二年春正  
月二上無元壽二字景武昭宣元成功臣表孝成五  
人成都丕作成鄉樂成下無龍字百官公卿表宣平  
侯張歐不作寧平俞侯樂賁不作樂賁安平侯王章  
不作安年平臺侯史中不作平喜廣漢太守孫寶不  
作孫寶五行志能者養以之福不倒作之以地理志

逢山長谷渚水所出不作諸水時水東北至鉅定不  
作博水張良傳景駒自立爲楚假王在留留上無陳  
字枚乘傳凡可讀者百二十篇不作不二十篇韓安  
國傳梁成安人也不作城安韋賢傳黼衣朱紱注畫  
爲亞文不作亞人佞幸傳龍頷思侯夫人不作龍繼  
皆一一相符又王氏懷祖讀書雜誌所引景祐監本  
各條按之亦合每半葉十行行大字十九二十字不  
等小字廿五六七字不等宋諱惟匡允宏殷恆貞字  
闕筆餘皆不闕案趙文敏所藏宋本漢書後歸吳郡  
陸大宰完松江顧汝修鴻臚太倉王弇州尙書棄一  
莊而得之當時詫爲秘笈然相傳書中慎字有闕筆  
乃是紹興刻本此本尙出其前其足珍貴何如耶卷



端有朱墨二筆校語乃明時毘陵周迂叟所錄宋劉之同刊本中語今監本所未附者亦足以資參考舊有墨書題記云右宋景文公以諸本參校手所是正並附古注之末至正癸丑三月十二日雲林倪瓚在凝香閣謹閱又有顧廣圻手跋云顏注班書行世諸刻大約源於南宋槧本文句或用三劉宋子京之說或校刊者用意添改往往致譌而剩字尤多此以後人文理讀前人書之病也惟是刻乃景祐二年監本獨存北宋時面目惜補版及剗損處無從取正然據是以求其添改之跡誠今日希世寶笈也後之讀者幸知而珍重之嘉慶戊午用校時本一過於讀未見書齋其所取正文多別記茲不論案是書嚮藏士

禮居黃氏後歸藝芸書舍汪氏錢宮詹所云景祐本

殆卽於士禮居見是書也卷首有御史之章季振宜印滄葦汲古閣子晉祕笈

乾學徐健庵諸朱記

漢書一百二十卷宋刊本

首卷首行題高紀第一上又班固漢書一次行題祕書監上護軍琅邪縣開國子顏師古注每半葉十行行十九字注二十五字至二十八字不等板心有字數刊工姓名間有大德至大延祐元統刊補板心一一注明明監本多脫譌以此本校之如王子侯表上畢梁侯譌作卑梁永始三年光祿勳韓勳爲右將軍脫韓勳二字元延四年北地太守谷永爲大司農原在第十一層譌列第十層是大鴻臚格矣古今人表



杞東樓公原在第五格譌列第六格衛韋譌作衛建  
瞽瞍象商原列第九格誤列第八格又王貢兩龔鮑  
傳序漢興有園公綺里季夏黃公角里先生師古注  
曰四皓稱號本起於此更無姓名可稱知此蓋隱居  
之人匿跡遠害不自標顯祕其氏族故史傳無得而  
詳至於後代皇甫謐圈稱之徒及諸地理書說競爲  
四人施安姓字自相錯互語又不經班氏不載於書  
諸家皆臆說今竝弃略一無取焉監本注文全脫此  
條賴有宋本得存顏注之全

太平路新刊漢書一百卷

元刊本

首行題高帝紀第一上下注師古曰云云下題班固  
漢書一次行題正議大夫行祕書少監琅邪縣開國

子顏師古注前有師古敘例又余靖上言首題景祐  
刊誤本五字是書刊於大德乙巳歲十有二月日後  
有太平路儒學教授曲阜孔文聲跋云江東建康道  
肅政廉訪司以十七史書艱得善本從太平路學官  
之請徧牒九路令本路以西漢書率先俾諸路咸取  
而式之置局於尊經閣致工於武林三復對讀者耆  
儒姚和中輩十有五人重校修補者學正蔡泰亨板  
用二千七百七十五面云云跋後列銜名二條一爲  
承務郎太平路總管府判官劉遵督工一爲中順大  
夫江東建康道肅政廉訪副使伯都提調其書出自  
景祐本故謬譌尙少

後漢書一百十五卷

宋刊本



藏書目錄卷八 九  
全書一百二十卷此闕帝紀三至五志一二凡五卷  
其目錄及首二卷志二十一至二十三列傳六十至  
六十二皆鈔補書末題右奉淳化五年七月二十五  
日勅重校定刊正下題承奉郎守將作監丞直史館  
賜緋魚袋臣孫何承奉郎守祕書省著作佐郎直集  
賢院賜緋魚袋臣趙安仁二行後列景祐元年余靖  
上言書中敬徵字皆闕筆而頊字不闕當爲仁宗時  
刊本自列傳三十五至三十七五十四至五十九六  
十八至七十三多元時補版如郭太傳初太始至南  
州以下七十四字錢氏養新錄謂本章懷注引謝承  
後漢書之文溷入正文今此本尙不誤亦可見其本  
之善矣

後漢書一百二十卷

宋刊本

首行題帝紀第一上又范曄後漢書一次行題唐章  
懷太子賢注款式與漢書同後來各本多譌脫如郭  
泰傳云初太始至南州以下七十四字僞入正文此  
本作章懷注引謝承之書又左原以下十人附書林  
宗傳末皆跳行此本獨否足徵舊本之善此與漢書  
皆愛日精廬張氏藏本

後漢書一百二十卷

元刊本

首行題光武帝紀第一上下越三格題范曄二字又  
越二格題後漢書一上次行題唐章懷太子賢注志  
三十卷題劉昭注補案志實司馬彪作漢末諸儒所  
傳而述於晉初劉氏自序甚明是本卷首列景祐元



年九月祕書丞余靖上言末有大德九年十一月望日寧國路儒學口教授任內刊二行每卷末題張桌王鰲叟校正其有不題者成化時補板也嘉靖間刻監本注經刪削此猶出自景祐本尙爲完書謬譌亦少

後漢書年表十卷

舊鈔本

宋熊方撰首列自序次列前後進表皆不著年月四庫提要卽据表中語謂爲高宗時人書凡十卷同姓王侯表二卷異姓諸侯表六卷百官表二卷馬班書皆有表而范書獨闕則是書誠不可無之作也近嘉定錢氏作補表於此書多所駁正然其貫穿鉤考精密詳審要不容沒世鈔刊本此鈔尙爲工整

晉書一百三十卷音義三卷

宋刊本

題唐太宗文皇帝御撰其實史臣房喬等奉敕所纂中惟陸機王羲之二傳其論稱制曰餘皆稱史臣曰也此宋刊十行本間有元明時修板每行二十字宋諱匡恆桓慎構字皆減筆雖不能無脫譌處終勝後來監本汲古刻本如宣帝紀權果遣將呂蒙西襲羽公安不脫羽字惠賈皇后傳繇密欲廢后欲不譌爲惠羊皇后傳賈后欲廢欲不譌旣何曾傳今忠賢執政今不譌令其進太宰侍中如故中下不衍公字石崇傳春畦霍靡霍不譌藿羊祜傳乞蒙列上列不譌例兵不踰時踰不譌喻劉卞傳其一人卿卞卿不譌輕楊駿傳後以后父超居重任任不譌位山濤傳不



得有所問問不譌聞王戎傳當從古人中求耳耳不  
譌之陸機傳五等論是以分天下以厚樂則已得與  
之同憂憂不譌愛潘岳傳凡此皆客舍之益而官權  
之所乏也乏不譌之殷浩傳向使作令僕足以儀刑  
百揆儀不譌殘王羲之傳方其文義之比於石崇義  
不譌羲董京傳孔子不遇時彼感麒麟乎麒麟不譌麟  
董養傳天人之理既滅天不譌夫惟謝鯤傳吾不復  
得爲盛德事矣句下脫去鯤曰何爲其然但使自今  
以往日忘日去耳初敦謂二十字因下葉首行起處  
亦有鯤曰二字而譌此修板之不檢也後附音義三  
卷唐天寶初何超令升撰宏農楊齊宣正衡序之宋  
史藝文志作齊宣撰者誤

晉書音義三卷

元刊本

此元刻單行本序目音義皆連接不空行板式亦精  
而多亥豕之訛不逮宋刻十行本遠甚蓋元時書肆  
本也

隋書三卷

宋刊殘本

原書八十五卷厘存第八十三至末卷每半葉十行  
行十九字左線外有篇名後有無名氏志序及天聖  
二年勅其字文化及傳云智及素狂勃不同他本作  
狂悖唐時悖皆作勃韓昌黎集中亦然

隋書八十五卷

元刊本

題特進臣魏徵上志三十卷題太尉楊州都督監修  
國史上柱國趙國公臣長孫無忌等奉勅撰元至順



間瑞州路學刻本與宋本式無異校讐無譌元刻中之善者汲古本於經籍志最多譌字今據是本全校之如志第一類中書契已傳繩木棄而不用不用誤一所據龍圖握鳳紀南面以君天下者咸有史官握誤非紀誤欲南誤雨撮其旨要撮誤緹使奉朝請祖暉撰其名暉誤暉歸藏十三卷晉太尉參軍辭貞註註誤撰梁有尙書二十一卷劉叔嗣註註誤有韓詩翼要漢侯苞撰苞誤苟撰誤傳業書二十卷宋奉朝請業遵註業誤葉序子夏所創毛公及敬仲又加潤益益誤溢喪服釋疑二十卷孔智撰衍亡字五服圖儀一卷下有喪服禮圖一卷六字脫禮答問二卷卷誤答又答問十卷衍亡字衰然三家衰誤衰梁有晉

給事中楊弘等注孝經弘誤泓梁有孔志十卷梁太尉參軍劉彼撰彼誤被五經大義三卷大誤太五經祕表要三卷經誤卷諡法五卷梁太府卿賀瑒撰脫卿字從魯論二十篇爲定從誤後後漢郎中賈魴作滂喜篇魴誤訪少學九卷少誤小字類敍評三卷侯洪伯撰伯誤泊國語物名四卷後魏侯伏侯何悉陵撰何誤可志第二類中梁後略十卷姚勗撰勗誤最漢靈獻二帝紀三卷漢侍中劉芳撰芳誤艾梁有魏末傳并魏氏大事三卷亡三誤六史漢要集二卷漢誤記續帝王世紀十卷何茂林撰林誤材晉尙書儀十卷脫儀字司馬襲撰嘉儀注一百一十二卷襲誤聚高才不遇傳四卷後齊劉晝撰晝誤書李氏家謨



一卷謨誤傳范氏家傳一卷范汪撰家誤世汪誤注  
 剗除舊迹剗誤刻陳祕閣圖書法書目錄一卷脫陳  
 字外執六典以逆官政典誤興志第三類中老子經  
 東晉江州王向述注向誤尙風俗通義三十一卷義  
 誤儀新義十八卷劉廐撰廐誤際金樓子十卷十上  
 衍二字五星占一卷陳卓撰亡星占二十八卷孫僧  
 化等撰亡兩亡字俱脫梁有星官主贊十三卷主誤  
 簿天文者所以察星辰之吉而參於政者也吉誤變  
 雜曆六卷姜岌撰六誤七陰陽嫁娶圖二卷此條七  
 字元刻無案元刻有嫁娶陰陽圖二卷毛本疑誤衍趙贊本草經一卷一  
 誤輕雜藏釀法法誤四偃側人經二卷秦承初撰初  
 誤祖太清璇璣文七卷脫卷字志第四類中中領軍

曹羲集五卷義誤義吳侍中張儼集一卷錄二卷二  
 誤一山濤集九卷又一本十卷齊奉朝請裴津注津  
 誤聿晉通事郎江偉集一卷一誤六冀州刺史王深  
 集五卷深誤琛黃門郎伏衛集一卷衛誤偉晉大傅  
 郭象集三卷徵士江淳集三卷三俱誤二晉通直常  
 侍顧愷之集七卷梁十二卷十二誤二十任豫集六  
 卷亡脫亡字袁淑集十一卷并目錄梁十卷錄一卷  
 亡脫亡字宋護軍司馬孫勃集六卷司誤日梁有晉  
 安太守謝纂集十卷纂誤墓沈君攸集十三卷十上  
 衍一十字温子昇集三十九卷昇誤昇陳沙門釋瑗  
 集六卷六誤八文章始一卷姚察撰察誤蔡謝靈運  
 詩集一百卷又詩集百卷并錄二卷并下衍同字齊



燕會詩十七卷此條七字元本無古今九代歌詩七  
卷九誤歌管絃歌錄一卷脫歌字又有鼓吹清商樂  
府讌樂高禱鞞鐸等歌辭舞錄凡十部部誤卷雜誠  
七卷誠上衍家字誹諧文十卷此條五字元本無或  
一二七日而止止誤上與天竺禪師跋羅參共辯定  
共誤其其他持十地論竝爲大乘他誤地備舉之以  
資考古者訂證

南史八十卷元刊本

唐李延壽撰元大德丙午年刊本首行大名在下每  
半葉十行行廿二字板心有字數間有嘉靖元年修  
板雖刻手不工難免亥豕之訛然終有勝於他本處  
如謝瀹傳瀹嘗與劉俊飲俊曰謝莊兒不可云不能

飲瀹曰苟得其人自可流酒干日俊甚慚案俊爲劉  
勔子流酒音與劉勔同瀹以俊斥其父名故引張景  
陽七命之文以報之是以俊慚汲古刻本譌流爲沉  
遂致不解所謂矣又王儉傳昇明二年爲長兼侍中  
長兼者未正授之稱晉時多有此職如王績劉隗俱  
爲長兼侍中孔愉爲長兼中書令是也汲古本長下  
衍一史字豈知長史必繫本府名如司徒長史太尉  
長史輔國長史之類並無單稱長史者其爲校書人  
妄增可知他若謝瀹之瀹誤改爲淪謝微傳梁武帝  
饑於武德殿饑誤踐謝純傳左右引車欲還外解車  
誤軍謝舉傳王屢召不返召誤詔王瞻傳父猷字世  
倫父誤之王瑒傳瑒字子瑛瑛誤薨王瑩子實傳實



衣冠傾崎王性方嚴見之意殊惡方誤劣王琨傳在任者常致巨富常誤當以字形相近而謬者不可勝數皆可據是本以正之惟謝氏諸傳中敘及謝混或作琨或作混亦與諸本同間有誤字郡人徐元歎校過元歎名波號落木庵主明季詩人跋曰此書校正訛謬爲丁卯年今稍用筆點勘乃戊寅季秋連絡十二年矣憶丁丑暮秋先爲亡友周云治借看一徧甫掩卷而長逝中間欠葉亦此君手補楷法精謹無一筆苟且九月廿三日

北史二十七卷

宋刊殘本

亦延壽撰此南宋時刊本僅存列傳卷一至卷二十六及卷三十七楮墨精好雖間有脫字如后妃列傳

序穆光茂德以下八十一御女名內脫去五字于仲文傳嘗於雲陽宮見周文下脫去帝問曰二十四字然取與汲古本相校善處甚多如文成元皇后傳時守庫者時不誤持弘德夫人傳任生丹陽王陽不誤楊常山王遵傳長子可悉陵年十七從太武獵逐一猛獸陵遂空手搏之以獻帝曰汝才力絕人當爲國立功立事亦如此也陵遂不誤隣遂亦如不誤勿如順於別室垂涕謂周文曰垂涕不誤垂棘京兆王黎傳繼晚更貪憚繼不誤旣任城王雲傳挫抑豪強抑不誤却京兆王愉傳愉語人曰雖主上慈深不忍殺我主上不誤主人穆崇傳令著作郎韓顯宗與眞撰定碑文撰定不誤選定削封爲編戶卒于家于不誤



子燕鳳傳及軍圍代圍不誤國崔浩傳今留守舊都  
分家南徙都分二字不誤是國留心於制度科律及  
經術之言術不誤律鄧彥海傳與尚書崔宏參定朝  
儀律令音樂及軍國文記詔策多是彥海所爲音樂  
及三字不誤著書長崔平傳名爲稱職爲不誤曰持  
節宣諭論不誤論歷許貝二州貝不誤員長孫道生  
傳切責子弟弟不誤切長孫熾傳隋文帝作相帝不  
誤旁累遷太常少卿累不誤素長孫氏諸傳論翰有  
父風翰不誤幹于栗磾傳好持黑稍裕望而異之裕  
不誤將弱冠拜侍御中散御不誤祚人生自有定分  
若應死王手避亦不免死不誤先與尚書李崇分使  
二道分不誤公于謹傳皇帝北面立訪道立不誤亦

于仲文傳仲文建精兵文不誤人釋諸將獨繫仲文  
繫不誤擊宋弁傳爾如狗耳爲人所嗾嗾不誤喉宋  
世良傳唯送十二人餘皆放之餘不誤徐許彥傳太  
武聞之曰太武不誤文成源賀傳時后父于勁于不  
誤子盧昌衡傳後加征虜將軍加不誤君盧元聿傳  
行臺左丞丞不誤亟士邃字子淹邃不誤遽皆亡破  
老病破不誤被盧柔傳大軍屢捷屢不誤屬高允傳  
與侍郎傳默傳不誤傳橈燕下崇橈不誤樵頻煩省  
闈煩不誤頻年已九十手目稍衰衰不誤襄高乾傳  
若兵以忠立立不誤亡高昂傳曹愷曰將田舍兒比  
國士曰田二字不互誤崔辯傳巨倫姑趙國李叔盾  
之妻巨不誤臣孝昌初置殷州置字不闕李公緒傳



善圖緯之學圖不誤圍李謚傳隆冬達曙盛暑通宵  
宵不誤霄江式傳斯作倉頡篇作不誤則王劭傳時  
蜀王秀以罪廢蜀不誤屬辭孝通傳乃欲束手受制  
於人不亦鄙乎鄙不誤難裴讓之傳誹訕時政訕不  
誤訕斛斯徵傳昏虐日甚虐不誤慮皆足訂今本之  
誤者也

北史一百卷

元刊本

此元大德間刊本板心有信州路儒學刊或但云信  
州儒學每半葉十行行二十二字匡恆字皆減筆蓋  
出自宋本較明監本汲古本自勝如魏本紀一帝乃  
告諸大人爲與魏和親計四十二年遣子文帝如魏  
是歲魏景元二年也監本汲古本魏皆改晉豈知景

元爲曹魏元帝年號時晉未受禪也此本與魏收書  
同足正諸本之誤書中虎字概作武字如畏將軍如  
武武牢武幡之類別本俱有改易而改之不盡轉致  
體例不一他若涼武昭王不譌涼爲梁長城大狩不  
譌大狩爲太守信舊本之足貴也

舊唐書六十一卷

宋刊殘本

題劉昫等修原書二百卷今存志卷十一至十四卷  
廿一至廿五卷廿八至三十列傳卷十五至廿八卷  
三十八至四十七卷五十至六十卷七十八至八十  
三卷一百十五至一百十九卷一百廿九至一百三  
十四卷一百四十下至一百四十四上凡六十一卷  
卷後有右文林郎充兩浙東路提舉茶鹽司幹辦公



事蘇之勤校勘又霍文昭校勘結銜同又左從政郎  
紹興府錄事參軍徐俊卿校勘又張嘉賓校勘結銜  
同又左奉議郎充紹興府府學教授朱倬校正各條  
每半葉十四行行大字廿五六不等小字三十三十  
一不等宋諱懸朗眺挺頰敬警竟境殷匡恆禎貞  
徵署樹豎讓頊勗桓垣涇萑完構殼帷勾等字皆闕  
筆而慎敦不闕刻在高宗時可知又校勘有紹興府  
教授朱倬名考倬因忤秦檜出爲教授是在紹興初  
年也明間人詮刻本卽從此出校讎不苟今以此本  
覈之尙有脫譌處如志卷十四曆大衍步日躔衍第  
三斗二十六條右北七宿九十八度下脫去小注虛  
分七百七十九太八字卷二十一地理廣州中都督

府條以義寧新會二縣並屬廣州其年又以下脫去  
義寧新會二縣立岡州令督廣韶端康封岡雜藥隴  
竇義雷循潮十四州永徽後以廣桂容邕安南府皆  
隸廣府都督統攝謂之五府節度使名嶺南五管天  
寶元年改爲南海郡乾元元年復爲廣州州內七十  
八字卷二十五輿服高山冠右內侍省内謁者及親  
王下司閣下脫去謁者若司閣五字列傳卷一百四  
十下李白傳隱於剡中下脫去旣而玄宗詔筠赴京  
師筠薦之於朝遣使召之與筠俱待詔翰白二十六  
字其餘字句舛譌者尤多如志卷十一音樂文皇帝  
酌獻用崇德樂章海濂星暉濂譌濂睿宗大聖眞皇  
帝室奠獻脫眞字眞宗亞獻終獻用凱安章黃鉞誅



羣盜鉞譌越節愍太子樂章武德諒雄雄雄譌雍  
雍卷十二曆太白晨平見條小滿初日加一千九百  
六十四分後日減六十分六十下譌衍六字求所蝕  
夜初甚末更籌刻術條更籌依所求得至甚刻加之  
依譌以卷十三檢律候術氣條小寒陟二尺二譌三  
求昏旦去中星度術條卽各其日中星宿度脫星字  
求月行入交表裏術條小注三退強三進弱進譌退  
求變度率術條秋分初日六十日行二十五度六十  
下脫日字行二十度二譌五卷十四大衍步交會術  
第六求九服所在條并二率半之六而一爲夏下有  
率二率相減六一爲差置摠差六而一爲氣半氣差  
以加夏率又以廿六字譌入各字下爲每氣之上大

衍步五星術第七推五星平合條去之不盡者返以  
減終率終譌中脫率字卷二十一地理嶺南道條廣  
州刺史充嶺南五府經略使南譌在九真日南真譌  
貞廢齊州之浚安游譌游韶州條東南至虔州虔譌  
虔封州條東北至廣州九十五里脫五字東至康州  
康譌廣富州龍平條貞觀八年改爲富州以富川水  
爲名脫州以富三字賓州條天寶元年改爲安成郡  
郡譌縣澄州條平蕭銑置南方州脫南字析嶺方置  
賀水水譌永嚴州條東北至柳州柳譌郡欽州條蕭  
銑改爲欽州總管府管一州州譌府西南至陸州陸  
譌陵龍編條後漢周敞爲交趾太守周敞譌問尙卷  
二十二職官從第四品下階條上州別駕上譌尙從



第七品下階條宣義郎義譌議正第八品下階條奚  
官小注甄官河渠弩坊甲坊脫弩字又有干舟楫二  
署令也脫舟字從第九品下階條進士明法出身甲  
第從九品上法譌經卷二十三太尉司徒司空條司  
空行掃除脫行字郎中條凡京司有常參官官譌者  
考功條以時收穫剩課剩譌成戶部郎中條凡賦役  
之制役譌人倉部郎中一員一譌二禮部郎中員外  
郎之職條致敬之式式譌士五官條五官司曆五員  
小注掌國之曆法脫掌字卷二十四尙食條女史四  
人女史二人史俱譌使兩京諸市署諸譌都國子監  
條丞掌州判監事脫判字左右干牛衛條若親射于  
射宮若譌凡通事舍人承受傳聲受譌事典內條宮

人糧廩賜與之出入糧譌衣卷二十八食貨便令有  
司條流聞奏流譌疏生人轉困轉譌輕卷三十刑法  
字民之道字譌安條流俱譌條疏收付大理京兆府  
獄付譌附列傳卷十五高士廉傳雅諳姓氏諳譌諧  
比日聽政脫日字卷十七李勣傳下帳用幔阜爲頂  
幔阜譌慢布官至梓州刺史梓譌桂卷十八尉遲敬  
德傳今二宮離阻骨肉宮譌公張公謹傳大業龍朔  
中歷位東臺舍人業譌素卷十九侯君集傳北望積  
石山石譌玉故自鞫駘耳鞫譌鞠辭萬徹傳漢輩猶  
不敢動漢譌諸劉蘭傳有都射設阿史那摸末率其  
部落入居河南都譌郁卷二十岑文本傳每懷撝挹  
挹譌損卷二十二虞世南傳無不發掘譌作無有不



發之墓李守素傳代爲山東名族山東譌東山贊曰  
文皇蕩滌刷清蒼昊譌作猗與文皇蕩滌蒼昊卷二  
十三姚思廉傳見重於二代二譌三卷二十四劉洎  
傳洎疎俊敢言俊譌峻輕願聞徹輕徹俱譌徑太宗  
征遼征譌位馬周傳但令政教無失但上衍豈欲二  
字豈惟處置在子弟而已在上衍見字其材堪宰莅  
莅譌位崔仁師傳州縣追捕支黨支譌反役功數萬  
功譌徒卷二十五孫伏伽傳官方委文吏官方譌守  
成俛眉而已眉譌首皆云被擁故也擁譌壅張元素  
傳以日繼月月譌曰便卽火出便卽譌卽便苟悅耳  
目苟譌以卷二十六吳王恪傳二年遷太子太師太  
譌少卷二十七楊纂傳尙食奉御食譌含闔立德傳

初以功藝知名功譌工柳亨傳因兄變遇太宗燹譌  
葬流遁致遠遁誤近流遁未變遁譌波卷二十八于  
志寧傳此卽史冊具載卽譌則傳後史臣曰苟非金  
玉其度其誤貞卷三十八章思謙傳嗣立時知政事  
事下衍府字三子孚巨濟皆知名巨譌恆下文蘇瓌同  
傳亦不謝之謝譌讓卷三十九王方慶傳北從入關  
從譌徙方慶又舉令文文譌校卷四十朱敬則傳向  
使高皇排二子而不教教譌用豆盧欽望傳以欽望  
等不能執正正譌政張光輔傳皆有能名脫能字卷  
四十一桓彥範傳若昌宗措此占相措譌楷嘉州司  
馬周利用用譌貞竟爲周利用所殺用譌自張柬之  
傳扇動酋渠遣成朋黨遣譌遺卷四十二魏元忠傳



觀者咸歎其臨刑而神色不撓咸譌感韋陟傳文含  
大雅含譌合郊圻資其稱固稱譌慎韋巨源傳出爲  
鄜州刺史鄜譌麟宗楚客傳結爲義故兄弟脫故字  
韋氏敗韋上衍故字卷四十四崔融傳斯道存也存  
譌者卷四十五讓皇帝憲傳時諸王公卿亦言平王  
有社稷大功平譌楚卷四十六姚崇傳父善意意譌  
懿山東百姓豈擬餓殺擬譌宜雖終匪懈而諸務多  
闕務譌書仍更辱先仍譌乃宋璟傳廣州舊俗皆以  
竹茅爲屋俗譌族卷四十七張說傳麟臺監張易之  
麟譌臨舉韋見素代代譌伐下衍相字卷五十蘇珣  
傳晉及齊幹遞於京都知道選事幹譌澣爲營婚宦宦  
譌官王志愔傳所以明眞諦眞譌貞折人以法折譌

析醫人僕夫何功之有醫人譌人醫睿哲登宸宸譌  
圖盧從愿傳爲天下第一降璽書一下衍等字脫降  
字李朝隱傳願寬暴市之刑市譌布卷五十一韋湊  
傳昆妓無數妓譌虫王求禮傳則臘月雷亦瑞雷矣  
矣譌也卷五十二吳兢傳歷衛尉少卿左庶子左譌  
右封襄垣縣子襄譌長卷五十三王君奭傳渾大得  
長流吉州得譌德王忠嗣傳敢以衷告衷譌哀卷五  
十五韋堅傳白衣缺膀自譌白楊慎矜傳公清如一  
二十一年九十二十一三字作空格西莊王氏日二  
十一年九十九當  
重一年字謂開元二十一年也下云慎矜丁父憂二  
十六年服闋則崇禮卒於開元二十四年其致仕當  
在二十一年也何不惜我少體弱耶惜譌使王鏊傳時右相  
李林甫護前用事護前譌怙權卷五十六楊國忠傳



太真妃卽國忠從祖妹也真譌貞卷五十七永王璘  
傳廣琛以步卒六千趨廣陵于譌十銃等奔救張翼  
擊之翼上衍左右二字卷五十九馮盎傳二州賊帥  
高法澄沈寶徹沈譌洗莫苾何力傳會層冰大合趣  
卽渡兵趣譌趨白孝德傳觀其攬歧便辟歧譌轡卷  
六十李光弼傳子儀薦光弼堪當閫寄當譌爲躬率  
士卒百姓外城掘壕以自固脫塹數十萬百姓下行  
於字外城下行作字脫譌作望旗俱進俱譌而卷七  
十八段秀實傳私室無妓媵媵譌媵顏真卿傳乃上  
議請取初謚爲定今日今日二字作空格杞瞿然而  
拜而譌下卷七十九韓滉傳洞上言江淮錢監錢譌  
七卷八十一李臯傳會與賊夾江爲軍軍譌陣卷八

十二盧從史傳遊澤潞軍軍譌間卷八十三李晟傳  
十一年服闋一譌二卷一百十五柳公綽傳公綽使  
牙將祖孝恭單馬勞問孝譌考温造傳乃宣聖旨旨  
譌言殷侑傳宜任朝之耆德任譌在卷一百十六元  
稹傳豈不大哀哉耶哉譌也子始與樂天同祕書之  
後之譌前卷一百十七段文昌傳韋臯在蜀表授校  
書郎脫書字卷一百十八錢徽傳改司封郎中賜緋  
魚袋內職如故脫內字充鳳翔節度副使脫副字卷  
一百十九李訓傳兩省諫官伏閣切諫官譌言史臣  
曰蓋任得其術任譌在卷一百二十九孔緯傳幽州  
汴州請討太原討譌封卷一百三十李載義傳李同  
捷據滄景捷譌捷下同張仲武傳相次獻捷捷亦譌



捷貶彬州司馬彬譌柳卷一百三十一羅宏信傳宏  
信少從戎役宏譌從卷一百三十三武延秀傳猶以  
武氏爲念氏譌臣吳湊傳買物於市倚勢強賈譌  
買卷一百三十四高力士傳朱光輝光譌文兩京作  
斤買斤譌芹程元振傳至彼捉溺溺譌拘魚朝恩傳  
以必允爲度必譌先雉經而卒雉譌自楊復恭傳李  
克用率師渡河討邠岐二帥邠譌汾卷一百四十下  
元德秀傳士大夫高其行士譌上杜甫傳寓居耒陽  
耒譌來緝拾選練練譌揀唐扶傳瘐死獄中瘐譌瘦  
次弟歡款欣次下衍第字脫歡字劉蕢傳宮闈將變  
闈譌闕威懾朝廷懾譌攝征伐必自於諸侯征譌攻  
陞下何忽而不用之耶忽譌思卽不幸因之以疾癘

癘譌厲臣前所謂國廩罕蓄脫國字或犯禁於南犯  
譌禮可以保父那家脫父字温庭筠傳狂遊狹邪邪  
譌愈方還揚州還譌遷李拯傳拯譌極司空圖傳本  
臨淮人淮譌淄曾祖燧燧譌遂凝益知重益譌器咄  
諾休休休諾譌語燦流細素細譌細卷一百四十一  
崔善爲傳惡其聽察聽譌聰甄權傳明堂人形圖各  
一卷下衍弟字孫思邈傳一覺一寐寐譌寢天地亦  
如之如譌知有如目覩覩譌觀張憬藏傳相人之妙  
脫人字張文仲傳庸醫不達藥之行行譌性張果傳  
遊外方之者也脫之字當作遊方之外者也僧神秀傳吾度人  
多矣人多譌多人吾形貌姪陋姪譌短僧一行傳至  
天台山國清寺清譌濟卷一百四十二王友貞傳味



茲禪悅譌作惟悅於網禪味盧鴻一傳遣備禮再徵  
遣譌遣備譌幣王守慎傳詞理甚高高譌當孫處元  
傳頗善屬文文譌聞潘師正傳嶺上別起精思院以  
處之上譌山院譌觀孔述睿傳嘗恂恂似不能言者  
似上衍然字陽城傳遣中官持章服而後召召譌詔  
客或時先醉仆席上仆譌臥客稱某物佳某譌其每  
年常配鄉戶貢其男貢譌竟以二字城不平其以良  
爲賤不平其譌下車禁卷一百四十三于敏直妻張  
氏傳皖城公儉之女也皖譌皖父母微有疾微譌權  
樊彥琛妻魏氏傳苟復偷生今復見逼管絃二復字  
俱譌爾原武衛盧甫妻李氏傳原譌順時曹昇任徐  
州刺史昇任譌任在逼之以刀刀譌罵裴堅罵抗之

罵譌刀標難奪之節標譌操宜膺贈飾飾譌律李湍  
妻傳乃急渡澗河澗譌激女道士李元貞傳孤露家  
貧露譌孀任耐瑩卜葬任譌在瑩下衍次字仍令京  
兆府接借借譌措孝女王和子傳先許適驍勇牙官  
李元慶驍譌馳卷一百四十四突厥傳又匈奴一敗  
虜譌奴又喪師旅旅譌旆隋家豎立豎譌翌反爲隋  
家之患反譌乃右驍衛郎將高俚俚譌保車鼻未敗  
前敗譌敢突厥又迎頡利兄之子又譌有以其弟默  
啜爲殺咄殺譌設領十八將軍以討之八譌大盡獲  
其家口脫口字又索此降戶此譌世靜難軍使左玉  
鈐衛將軍慕容元尉玉鈐譌正鋒尉譌山則究識夷  
險險譌陷人皆習武人譌又瞰欲谷迴兵因出赤亭



以掠兵下衍而字小臣飫斯達于飫譌飲其間亦有  
宋本譌而明刻實校正者亦有臆改而譌者今略舉  
其勝於明刻者以存宋本之真雖殘珪斷璧亦可寶  
貴冊首間有朱文正書長方印曰紹興府鎮越堂官  
書考鎮越堂在紹興府署蓬萊閣之下宋嘉定辛巳  
建當是宋時鈐記也

舊唐書二百卷

明刊本

題監修國史推誠守節保運功臣特進守司空兼門  
下侍郎同中書門下平章事上柱國譙國公食邑五  
千戶食實封四百戶臣劉昫等奉勅修有聞人詮楊  
循吉文徵明序此本舊藏稽瑞樓陳氏傳錄葉石君  
校本目錄後有題記云辛丑歲三月十九日借得錢

遵王所藏至樂樓鈔本校起至九月初五日畢功葉

萬記

唐書三卷

宋刊殘本

此嘉祐刻本每半葉十行行十九字板印楮墨甚精  
惜厯存曆志十七卷下十八上下兩卷其策實一十  
一萬三百四十三一條不同他本作一十三萬與舊  
史志合又注文凡四分一爲少凡爲太不作分爲大  
潛研錢氏嘗以意校正諸本之誤暗與宋本合舊爲

汲古閣藏書

卷首有毛褒華伯二朱記

唐書二百二十五卷

宋刊本

本紀表志題翰林學士兼龍圖閣朝散大夫給事中  
知制誥充史館修撰判祕閣臣歐陽修奉敕撰列傳



題端明殿學士兼翰林侍讀學士龍圖閣學士朝請  
大夫守尚書吏部侍郎充集賢殿修撰臣宋祁奉敕  
撰每半葉十行行十九字首行大名在下前有曾公  
亮進書表卷末列修史官銜名刊修官爲宋與歐編  
修官爲劉義爰呂夏卿宋敏求王口范鎮提舉爲曾  
公亮校對校勘爲吳申文同陳薦裴煜諸人內多元  
時補版是本舊藏毛氏汲古刻本殆所自出而校讎  
未善舛誤殊多如文宗本紀大和元年監本汲古本  
俱作太和則與魏晉後魏年號雷同潛研錢氏嘗據  
唐石刻辨新舊史之失豈知宋本原不誤也又曆志  
策實百一十一萬三百四十三不作一十三萬小注  
凡四分一爲少凡爲太不作分爲大地理志巖州常

樂郡不作長樂足訂諸本之誤信舊本之可貴也

有東吳毛晉及毛表印  
信毛奏叔氏諸朱記

五代史記七十四卷

宋刊本

題歐陽修撰徐無黨注每半葉十行行十八字匡徵  
貞字皆減筆板式甚工舊爲汲古閣藏書毛氏刻本

卽從此出

卷首有毛鳳苞印子晉氏毛表奏  
叔建安楊氏傳家圖書諸朱記

五代史記七十四卷

元刊本

此元時宗文書院刻本明萬厯間余有丁校刻南雍  
本卽從此出義門何氏謂勝於汲古本也有陳師錫

序

宋史四百九十六卷

明刊本

題開府儀同三司上柱國錄軍國重事前中書右丞



相監修國史領經筵事都總裁臣脫脫等奉勅修前  
有阿圖魯等進書表及咨浙江等處行中書省刊板  
劉與修史官銜名案此書雖成於元而藏諸內府未  
列學官海內稀有其本明成化間廣督桂陽朱英得  
鈔本於漳浦陳布政爲序而刊之經始於成化辛卯  
十月刻成於庚子四月凡本紀四十七志一百六十  
二表三十二列傳二百五十五開卷首行大名在下  
猶仍舊式是本舊爲邑中錢氏藏書卷首記云歲庚  
寅四月朔日闕始其第一百七十九卷後記云十月  
初二夜半野堂火時方雷電交作大雨傾盆後樓前  
堂片刻煨燼乃異災也絳雲一炬藏書無遺殆卽其  
時此書方校閱故幸而獲留也

卷首有牧翁朱記

遼史一百十六卷

元刊本

題名與宋史同前有至正三年修史詔旨及三史凡  
例史官銜名進書表此元刻十行本行廿二字明監  
本脫譌甚多不逮是本也

金史一百三十五卷

元刊本

題名亦與宋史同前有進書表及史官銜名中書省  
令鈔梓印造咨文此元至正間杭州路刊本每半葉  
十行行二十二字明監本卷三十三及卷七十八俱  
有關文此本尙全



鐵琴銅劍樓藏書目錄卷八終

音圖文批本尚全

十行行二十二字開盤本卷三十三又卷小十八人

命幾神昭靈咨文批宋至五開林似祖研本卷半葉

張澤衣與宋史同前首錄書卷又史官論谷中書官

金史一百三十五卷

本祖編葛冬不數是木出

國史官論咨靈書卷批宋陳十行本行廿二字開

張谷與宋史同前首至五三平抄史館目又三也且

鐵琴銅劍樓藏書目錄卷第九

常熟瞿 鏞子雍

史部二

編年類

漢紀三十卷

影鈔宋本

首行題曰漢紀目錄越數格曰荀氏以後低一格列

漢帝目次接自序一篇畢即接本書首標高祖第一

越二格曰漢紀又越數格曰荀氏未有右通直郎時

添差充紹興府會稽縣丞莊革校正一行每半葉十

三行行廿四字當是從紹興間錢唐刻本影寫者案

此書祥符天聖中皆有刊本昔人每謂不若紹興本

之善明黃姬水亦得宋本以刊相較則此本為勝如



高祖紀武臣自號爲武信君黃刻誤君爲軍今卒少  
情矣誤卒爲年別將梅銷功多封萬戶侯誤萬爲舊  
漢卽挑戰慎勿與戰勿令得東而已脫下勿字吾乃  
今日知爲皇帝之貴拜通爲奉常誤奉爲泰皆足訂  
正舊爲崑山葉氏藏書卷首有葉氏棗竹堂藏書圖朱記

元經辭氏傳十卷

明刊本

此書舊稱隋王通撰唐薛收傳宋阮逸注晁氏讀書  
志陳氏書錄皆謂其卽出阮逸依託桐城姚氏謂文  
獻通考載有十五卷今止十卷自魏太和以後數十  
年不書一事已非阮氏僞本全書矣此本失去序跋  
當刻自成弘間舊爲葉文莊公所藏卷首有葉氏棗竹堂藏書朱記

通曆十五卷

影鈔宋本

晁氏讀書志云通曆十卷唐馬總撰續通曆十卷荆  
南孫光憲撰宋太祖以孫書所紀非實詔毀其書故  
直齋書目中興館閣書目玉海皆十五卷孫書僅存  
五卷已經後人刪併矣此本雖有十五卷之數而一  
卷至三卷文皆不類首題史臣李燾著顯出僞託故  
三國首蜀而未亦無論略其四卷至十卷起西晉迄  
隋有總案語論著允當與玉海所云合則爲馬氏原  
本無疑十一至十五卷多載黃巢李茂貞劉守光阿  
保機吳越兩蜀事迹且及符瑞夢兆神怪等說與讀  
書志所云合則孫氏所續之本也書中殷敬字皆減  
筆蓋猶依宋刻殘本所鈔

資治通鑑二百九十四卷

宋刊本



此書原闕廿五卷又十九葉鈔補全卷一至卷八題  
朝散大夫右諫議大夫權御史中丞充理檢使上護  
軍賜紫金魚袋臣司馬光奉敕編集其卷九以下題  
銜較多曰翰林學士朝散大夫右諫議大夫知制誥  
兼侍講同提舉萬壽觀公事兼判集賢院上護軍河  
內郡開國侯食邑一千三百戶賜紫金魚袋臣司馬  
光奉敕編集第四行低三格題某朝紀小字注曰起  
某某盡某某凡幾年用太歲名第五行低五格題某  
王帝第六行本文目錄系卷後目錄有元豐七年十  
一月溫公進書表結銜與前題名異曰端明殿學士  
兼翰林侍讀學士太中大夫提舉西京嵩山崇福宮  
上柱國河內郡開國公食邑二千六百戶食實封壹

阡戶蓋前所題者英宗時結銜也同修者劉攽劉恕  
范祖禹檢閱文字者司馬康俱署銜表後有獎諭詔  
書又元豐八年九月十七日准尙書省劄子奉聖旨  
重行校定元祐元年十月四日奉聖旨下杭州鑿板  
校對者爲張耒晁補之宋匪躬盛次仲校定者爲張  
舜民孔武仲黃庭堅劉安世司馬康范祖禹主校者  
爲呂大防李清臣呂公著俱署銜以左爲上又紹興  
二年七月初一日兩浙東路提舉茶鹽司公使庫下  
紹興府餘姚縣刊板紹興三年十二月二十日畢工  
印造進入列主管本司文字兼造帳官及提舉茶鹽  
司邊知白常任佚強公徹石公憲韓協王然六人銜  
校勘監視者列岷縣進士婁諤茹贊廷唐奕婁時升



婁時敏石表茹开王念張綱等興國縣主簿唐自餘  
姚縣進士葉汝士杜邦彥錢移哲陸寤顧大治呂克  
勤張彥衡朱國輔杜紱孫彬等又餘姚主簿王綱嵎  
縣尉薛鏹嵎縣丞桂祐之紹興府學教授晏肅餘姚  
縣丞馮榮叔晏敦臨知嵎縣范仲將知餘姚縣徐端  
禮鎮東節度判官張九成諸人此本似卽紹興時所  
刻然書中慎敦郭字皆闕筆疑出寧宗時修板印行  
也每半葉十一行行廿一字板刻清朗楮墨如新允  
爲宋刻致佳本舊藏郡中汪氏卷中有敬德堂圖書  
印桂堂王氏季積圖  
籍趙子印  
氏諸朱記

資治通鑑三卷

宋刊  
殘本

存魏紀六七兩卷唐紀二十六一卷每卷首無題銜

字紀年下注干支二小字間附音義於本文每半葉  
十一行行十九字案胡景參釋文辨誤附載海陵本  
費本各條核此本音義知卽爲蜀廣都費氏進修堂  
板刻世所謂龍爪本是也音義與史本微有不同魏  
紀中闕字史作苦濫切此作苦浪頤字史作渠希切  
此作渠斤史爲不誤曹爽挾彈到後園中注彈徒案  
切挾弓以行園史本園作也字則似此本爲優

資治通鑑七十七卷

宋刊  
殘本

存卷四至二十四卷六十七至八十七卷一百五十  
九至一百八十五卷二百三十五至二百五十七卷  
每半葉十一行行二十一字貞桓字減筆舊藏邑中

錢氏

有錢後人文石  
朱象元氏朱記



題朝散大夫右諫議大夫權御史中丞充理檢使上  
護軍賜紫金魚袋臣司馬光奉敕編集後學天台胡  
三省音注此元時興文署刻本案至元二十七年正  
月立興文署召集良工刊刻諸經子史板本以通鑑  
爲起端是官刻善本也後有溫公進書表元豐七年  
獎諭詔書元祐元年奉旨下杭州鏤板校定諸人銜  
名紹興二年兩浙東路提舉茶鹽司公使庫下紹興  
府餘姚縣刊板校勘監視諸人銜名前有胡三省音  
注自序舊藏郡中文氏邑中嚴氏皆有題識文氏曰  
丁亥年九月玉磬山房閱又曰萬曆丁酉歲十二月  
廿又三日看畢老人心力衰減涉獵而已彊記則不

能也清涼居士記又曰家中書籍散亡此書幸存老  
年無事時一觀覽遂至再四然心神耗減不能記憶  
障目而已萬曆辛丑四月朔日湘南老人記時年七  
十有三又曰此書向在亨弟所天啟丙寅閏六月偶  
念祖父手澤思欲一觀因以師古齋所刻一部易之  
藏於石經堂三世藏書家不多有遺書能讀乃足貴  
耳二十五日乙丑震孟謹記又嚴氏曰此本爲文氏  
藏書自衡山先生至文肅公俱有題識病中無聊命  
筆點一過賦性魯鈍掩卷卽忘殊可恨也丙辰十月  
十六日嚴虞惇記又曰此爲文氏藏書先大人得之  
以授小子者也先世藏書一無所存惟此猶爲故物  
故自里門攜至京師時一展玩但應酬牽率不能專



力大概涉獵而已虞惇記時戊寅八月二十日又曰  
虞惇年十三先君子白雲先生卽命讀資治通鑑因  
用徐氏坊本點閱一過後復校此書歷年動筆圈點  
作輟不恆去歲謫官索居無事遂得終閱嚴虞惇再  
記時辛巳二月十八日又曰先君子於此書凡經六  
七閱歲久紙畫零落不堪展讀雍正庚戌命工重裝  
補綴成帙庶可傳之家塾此書自文氏衡山先生歷  
文肅公凡口世先王父中憲公爲文肅外孫故幼時  
卽受而卒業繼以授先君子逮予小子亦經三世歷  
年二百有餘前賢之遺蹟未渝先人之手澤宛在子  
孫其永保之哉塗謹志

卷末有玉蘭堂圖書記石經  
堂印世綸堂印嚴虞惇讀書

記諸  
朱記

呂大著點校標抹增節備註資治通鑑七十三卷

宋刊  
殘本

此宋麻沙本原書一百二十卷今闕卷一至八卷十  
四至十六卷三十至三十八卷四十五至五十三卷  
九十一至九十四卷一百七至一百二十凡四十七  
卷其前十二卷爲通鑑君臣事要總記皆分類摘事  
以便行文摭拾亦當時習科舉之書也每半葉十五  
行行二十六字匡殷慎桓字減筆諸家書目不載惟  
見于頤堂書目

資治通鑑釋文三十卷

影鈔  
宋本

題右宣義郎監成都糧料院史炤撰案宋時史炤有  
二人一眉山人字見可咸淳中官利路統制見度宗  
紀卽作釋文者一潁昌人嘉祐中提舉常平乃文彥



博嘗從受學者也馮時行序此書謂其精索而粗用  
深探而約見積十年成書自胡景參作辨誤而史書  
遂微近代諸家尠著錄者乾隆間吳中藏書家始購  
得宋刻本潛研錢氏謂景參長於地理見可精於小  
學二書不可偏廢至謂史本范睢之睢作干餘切而  
胡改音雖李芄之芄作蒲紅切而胡改居包翻使睢  
睢莫別芄芃互淆直以不狂爲狂是又代見可作辨  
誤以還相報復矣

通鑑釋文辨誤十二卷

元刊本

元胡三省撰專辨史氏釋文地理之誤凡已見音注  
者不載自序極辨海陵本公休注之爲僞託謂其蹈  
襲史釋至以烏桓爲烏元宋諱欽宗名桓公休以溫

公薨而毀卒不得豫爲欽宗諱然公休本刻於海陵  
郡齋已在靖康後諱桓爲元或刻時改之未可遽以  
致疑司馬伋編通鑑前例自序有欲與音釋並行一  
語伋卽公休之孫不當有誤迺謂伋未傳家學而爲  
妄人所誤亦出臆斷况直齋書目明載公休釋文二  
十卷又謂史因公休舊注而附益之伯玉與見可其  
時相距不遠當非無據若謂序中未嘗言及祖述公  
休此序出他人手非若自序之不當諱言也

資治通鑑考異三十卷

明刊本

題端明殿學士兼翰林侍讀學士太中大夫提舉西  
京嵩山崇福宮上柱國河內郡開國公食邑二千六  
百戶食實封一千戶臣司馬光奉勅編集前有提督



浙江學校按察副使河汾孔天允題記謂嘉靖甲辰六月開局校刻資治通鑑明歲春三月完其書另考異三十卷俱從唐太史家宋板文字卷首有嘉禾施袞朱記

通鑑釋例一卷

舊鈔本

宋司馬光撰此書南渡後遺橐脫落先後無序溫公會孫伋掇取分類為三十六例中有文全而字闕者仍闕之今本字無闕文增刻與范祖禹論修書帖二通此猶原本也有乾道丙戌司馬伋後跋

通鑑外紀詳節十卷

宋刊本

題祕書丞劉恕編集前有通鑑御製序溫公進書表獎諭詔書司馬伋通鑑前例後序後有恕自序每半葉十四行行廿五字殷讓貞樹恆桓完慎字闕筆卷

數尚仍原書惟目錄五卷年經事緯上列朔閏天象下列卷數者皆不載其餘亦多刪節以出宋人手筆故購藏之卷首有橫經閣收藏圖籍印末有華亭朱氏朱文石史諸朱記

中興小紀四十卷

鈔本

宋熊克撰排次南渡以後事蹟始建炎丁未終紹興壬午宋史藝文志作四十卷陳氏書錄解題作四十一卷是書前列四庫提要云原書篇第為編纂者所合併舊目已不可尋今約略年月依宋史所載原數仍勒為四十卷蓋從四庫本傳錄者也

歷代紀年十卷

宋刊本

宋晁公邁撰案陳氏書錄云公邁字伯咎詠之之子嘗官提舉司者所紀歷代年號首正統自唐虞迄北



宋爲七卷次封建國號一卷次僭據附藩鎮一卷次盜賊外夷及見道家書者又總錄年號以終焉末附國朝典禮數葉載宋祖至淵聖樂舞宮殿名及郊會拜陵幸學大赦德音若而次終以祖宗神御在京者原注云元稿附見逐朝冊葉界行外今存卷末其正統每帝紀年下并載皇后帝子在朝職官若而人後李季永十朝綱要卽仿其例也其紀年號夏諒祚有廣禧清平二號與玉海合可補宋史之闕天顯屬遼太宗不屬太祖遼道宗有壽昌無壽隆與東都事略玉海通考等合可訂遼史之譌是書刊於紹熙壬子後有淳熙乙未晁子綺記及包履常跋書錄外惟見錢遵王讀書記此卽述古堂藏本當時首卷已亡無

從鈔補矣

卷首有平江黃氏藏書朱記

續資治通鑑長編一百八卷

影鈔宋本

宋李燾撰案文簡此書累次編成隆興元年先編十七卷奏上乾道四年成一百八卷自太祖建隆元年始至英宗治平四年止迨淳熙元年編成九百八十七卷又爲舉要六十八卷總目五卷遂爲完書此則乾道奏進之本前有表文一篇宋時有刻本依之傳錄每半葉十三行行廿三字海寧吳氏藏本中有校字

槎客筆也

卷首有竹垞藏本兔牀經眼朱記

續宋編年資治通鑑十八卷

元刊本

題朝散郎尚書禮部員外郎兼國史院編修官李燾經進前列進通鑑長編表一篇目後有武夷主奉劉



深源校定一行蓋元時刻書人也案文簡惟不敢續  
通鑑故曰續通鑑長編此書紀太祖至欽宗事蹟皆  
疎略其出後人僞撰可知

資治通鑑綱目五十九卷

宋刊本

宋朱子撰不題名前列治平四年御製通鑑序獎諭  
詔書司馬溫公進書表與范夢得論修書帖通鑑目  
錄序舉要補遺序朱子自作序例目錄後有武夷詹  
光祖重刊於月崖書堂一行卷一與卷五十九後俱  
有建安宋慈惠父校勘一行張月霄氏謂惠父即編  
提刑洗冤集錄者為淳祐間人遂定為淳祐刊本是  
書即月霄所藏也每半葉十行行十六字日用雙行  
行廿二字匡恆貞偵朗桓完構慎字皆闕筆字畫清

朗楮印如新與所藏資治通鑑本相似可謂雙璧矣

卷首有御史之章季振宜印滄葦  
乾學徐健庵天官冢宰諸朱記

資治通鑑綱目五十九卷

元刊本

是本板印精好不減宋刻惜原序已失舊為楊五川

萬卷樓藏書

卷首有楊夢  
羽氏朱記

大事記十二卷通釋三卷解題十二卷

舊鈔本

宋呂祖謙撰案成公自序謂作於淳熙七年又二年  
即歿故序云起春秋迄五代卒未成書僅至漢武帝  
征和三年而止成公長於史學朱子最稱此書謂其  
精密門人不敢贊一辭故無人續成之至明王氏禕  
始有續編行世然未能贗讀者之意也

綱目分注發微十卷

鈔本



題從政郎安吉州安定書院山長劉國器撰自序謂  
溫公書因舊史以紀事使觀者自擇其善惡得失以  
爲勸戒朱子則言必證其事事必驗其實理雖莫要  
於綱而尤詳於目故大書以提要分注以備言刊落  
浮辭約歸至理因以己意闡明其故洵足推見朱子  
作書之微旨矣諸家書目俱不載惟見文淵閣書目  
此由叢書堂本傳錄

資治通鑑綱目集覽五十九卷

元刊本

元王幼學撰案幼學字行卿望江人學宗程朱至元  
間躬耕慈河之坂與學者講道不輟人稱慈湖先生  
自序謂編始於大德己亥迄延祐戊午積二十一年七  
易稿而成後來陳濟有集覽正誤瞿佑有集覽鐫誤

糾正頗多弘治間莆田黃治中取其書與尹氏發明  
劉氏書法徐氏考證陳氏正誤馮氏質實汪氏考異  
散入綱目各條下而是書遂無專刻矣此猶初刻原  
本有朱子原序幼學自序序後有墨圖記八分書二  
行云歲在上章敦牂孟夏魏氏仁實書堂新刊

編年通載四卷

影宋殘本

題起居舍人直集賢院同知審官西院事兼判史館  
臣章衡上進前有元祐三年建安章棻序衡進書表  
原書始帝堯迄宋治平丁未今存者止於吳大康庚  
子明內閣藏書目錄載二冊云第五卷以下皆闕是  
明時已不全矣按晁陳兩家書目及焦氏經籍志俱  
載有十五卷惟通志略則云十卷此本原序亦云十



卷是十五卷之說未可信也

皇宋十朝綱要二十五卷

舊鈔本

宋眉山李重編案重字季永文簡公燾次子紹熙元年進士理宗朝歷官同知樞密使四川宣撫使文簡五子壁與重尤以文學知名蜀人以比三蘇壁有雁河集荆公詩注重僅傳此書紀太祖至高宗朝事蹟每一帝必首紀年號及皇后皇子公主若而人宰相參知政事樞密使副使相三司使學士舍人院御史中丞及每年取進士若而人復紀外改廢置州府等而以誕節神御殿終焉以下按年月逐條紀錄凡朝政大事畢載雖採摭從略亦有出於文簡所撰長編之外者可資考證諸家書目匙有著錄屢見玉海

中興文淵閣書目焦氏經籍志中陳平甫皇朝編年備要

引用書目亦列之惟敘銜為左史與重官秩不合豈文簡子扈嘗領實錄事故采纂成編後彙本流傳扈重字形相近遂誤以為重作耶

皇朝編年備要二十五卷補刊編年備要五卷

影鈔宋本

題壺山陳均撰紀太祖至欽宗事平甫為丞相正獻公從孫侍從之下獲睹國史及先儒諸書博考互訂輯成編皇朝或作九朝陳氏書錄亦作皇朝并列舉要三十卷或疑舉要已佚案伯玉云舉要為綱備要為目似當時分為二書各編三十卷今綱目並列出後人合并此本每卷標題編年下空二格實即舉要二字可證其未亡也況真文忠序稱書名曰舉要



備要是非二書明矣伯玉譏其去取無法詳略失中  
出國朝小長蘆叟則謂其簡而有要勝於陳子經辭  
方山之書潛研錢氏謂書成南渡之世故老舊聞未  
盡散失有可補正史之闕者至其書雖依朱子綱目  
大書分注之例而以宋人紀宋事但據事直書不爲  
褒貶之詞自序中亦及之錢氏議其唐主景北漢主  
鈞同爲敵國而鈞書卒景書死同一高麗王而徵與  
運書卒容與侯書死爲義例乖刺竊意平甫未嘗寓  
褒貶於一字偶爾紀載參差不足爲病也此本鈔手  
甚舊宋諱字多闕筆每半葉八行分注用小字雙行  
每行大字十六小字廿三當爲明時印寫宋本  
中興兩朝編年綱目十八卷影鈔宋本

是書不著撰人名氏亦無序跋紀南宋高孝兩朝事  
始建炎元年終淳熙十七年大書分注體例與陳平  
甫編年備要同平甫又有中興編年舉要備要十四  
卷或卽其書後人更其名耳向來藏書家俱未著錄  
唯見文淵閣書目

續編兩朝綱目備要十六卷影鈔宋本

亦不著撰人名氏紀光宗寧宗兩朝事體例與中興  
兩朝編年同故曰續編書中昫字注御名當出理宗  
時人所作疑亦平甫之書平甫於端平初始得官也  
諸家書目皆未著錄世所傳者出自永樂大典此猶  
原本也以上三種款式相同迺宋時合刻本明人影  
寫者嚮藏邑中張氏卷首有愛日精廬藏書朱記



續宋中興編年資治通鑑十五卷

元刊本

題通直郎戶部架閣國史實錄院檢討兼編修官劉時舉撰卷首題宋時職名而書中有元太祖爲成吉思皇帝一語是入元後所作矣始高宗建炎元年迄寧宗嘉定十七年敘述有體要秀水朱氏謂其條理勝王宗沐辭應旂之書上方有提要及中所錄議論低一字別之者乃刊書人附入非劉氏原書也目錄後有陳氏餘慶堂刊一行舊爲吳方山藏書

卷首有吳岫朱記

宋季三朝政要六卷

元刊本

不著撰人名氏卷首題云理宗國史載之過北無復可考今將理度兩朝聖政及幼主本末纂集成書以

備他日史館之採擇云蓋宋之遺民所作多載宋末

軼事可補正史之闕目錄後有墨圖記云至治癸亥

張氏新刊舊爲邑中吳氏藏書

卷首有吳卓信印頭儒二朱記

宋史全文續資治通鑑三十六卷附宋季朝事實二卷

元刊本

不著撰人姓氏卷首題豐城游明大昇校正無序跋首冠以乾道四年李燾進續資治通鑑長編表一篇又宋朝玉齋宋朝傳授二圖目錄前有刊書人題識一則云宋史通鑑一書見刊行者節略太甚讀者不無遺恨焉本堂今得善本乃名公所編者前宋已盛行於世今再綉諸梓與天下士大夫共之云云似三十六卷爲元人重刻宋本其實靖康以前卽取諸李



熹長編高孝二代取諸留政中興聖政草及無名氏  
中興兩朝編年綱目光寧二代取諸劉時舉續宋中  
興編年資治通鑑惟後載度宗少帝益王廣王事蹟  
別名宋季朝事實者則爲元人專輯書肆題語謂前  
宋已盛行似不足信至宋牧仲謂卽胡宏續通鑑  
長編一書亦未知其何據也卷首有墨香閣圖書朱記

通鑑續編二十四卷

元刊本

元陳樞撰前有張紳姜漸序又陳氏自序謂余讀歷  
代史輯事之大者爲筆記百卷乃取盤古至高辛爲  
通鑑世編一卷唐天復至周亡遼夏初事爲通鑑外  
編一卷宋有國至元爲通鑑新編廿二卷總之爲廿  
四卷合名曰通鑑續編其於宋自建隆至太平興國

四年但書甲子其四年平北漢後方繫正統以比漢  
唐遼金繫年宋統之下以比吳魏卽本朱子語錄大  
書分注例曰續通鑑實續綱目也明成化間詔商輅  
等續修綱目雖有刪訂實卽襲用之

紀事本末類

通鑑紀事本末四十二卷

宋刊本

題建安袁樞編是書初刻於淳熙乙未爲嚴陵小字  
本編二百九十卷此大字本迺趙節齋與篋重併  
卷第刻於寶祐五年後延祐六年節齋之孫明安寘  
之嘉禾學宮遞有修板此猶元時印本也每半葉十  
一行行十九字板心有字數及梓人姓名書中遇宋  
諱字皆減筆前有淳熙元年楊萬里序寶祐丁巳趙



與篋序延祐六年陳良弼序

三朝北盟會編二百五十卷

舊鈔本

題朝散大夫充荆湖北路安撫司參議官賜緋魚袋臣徐夢莘編集并序凡紀宋金通和用兵之事始政和七年迄紹興三十一年所引書目多至二百餘種可謂搜採無遺矣世無刊本傳鈔者率多謬譌脫落惟泰興季氏藏本尙爲舊帙友人邵君恩多據以校過有跋曰北盟會編世無刊本惟季滄葦家鈔藏本每葉有何子宣騎縫圖記者最爲近古向藏蘇氏今爲張君子謙所有瞿君子雍與子謙爲莫逆交向其借得屬余參校凡譌謬脫略悉爲訂正可稱完善

袁氏通鑑紀事本末撮要八卷

影鈔宋本

題建安袁樞機仲編建安蔡文子行之撮其書卽取袁氏標題而略舉其事之大要每題下注明起某帝幾年盡某帝幾年末又注以上詳見某帝紀雖曰撮要與袁書體例稍異可各自單行也諸家書目俱不載此從郡中汪氏所藏宋本影寫每半葉十四行行二十三字宋諱匡朗貞徵桓恒構字皆減筆

蜀鑑十卷

舊鈔本

不題撰人據李文子序知爲文子屬資中郭允蹈輯世亦稱文子作也此影寫宋本爲吳方山藏書較明初蜀本爲勝如光武建武元年延岑屯杜陵與赤眉逢安戰大破之蜀本與誤興漢中王嘉亦與赤眉將廖湛戰於谷口大破之蜀本脫口字南陽今鄧州蜀



本鄧誤登峽州長楊縣有古扞關城尙存蜀本脫尙  
字此類不可勝舉蜀本有淳祐五年古郢別某跋一  
篇此本無之舊爲吳方山藏書末有方山跋云鋪序  
整飭記載詳到雖其文句不能如華陽志之秀拔瞻  
美而每值郡邑地土必爲標注使考蜀事者不至混  
漫此則有特長焉

卷首有吳岫及  
方山二朱記

別史類

汲冢周書十卷

元刊本

晉孔晁注此書在宋時有李文簡陳正卿藏本東徐  
丁黼校刻於嘉定十五年有李燾跋及黼序元至正  
甲午四明黃玠復序而刻之卽此本也其程寤秦陰  
九政九開劉法文開保開八繁箕子耆德月令十一

篇已亡中有闕文闕字蓋宋時已斷爛不全矣

卷首有吳

元恭氏及吳興  
沈淪二朱記

宋太宗實錄八卷

鈔本

宋錢若水柴成務宋度吳淑楊億同撰見晁氏讀書  
志陳氏書錄解題原書八十卷今存卷第二十六至  
三十卷七十六卷七十九至八十共八卷億本傳云  
實錄凡八十篇億獨草五十六卷則此本多其筆也  
卷末有書寫人及初對覆對姓名宋諱皆闕筆郡中  
黃氏得南宋時館閣鈔本此從之傳錄

九國志十二卷

鈔本

宋路振撰振字子發永州祁陽人淳化中登甲科真  
宗時知制誥嘗采五代時吳南唐吳越前後蜀東南



漢閩楚九國君臣行事作世家列傳未成而卒王厚齋云書凡四十九卷陳氏書錄云末二卷爲北楚書高季興事張唐英所補撰合五十一卷文獻通考宋藝文志俱作五十一卷不言補輯姓氏原書已失傳此出曲阜孔氏舊鈔殘帙僅存列傳百三十六篇其世家之文俱佚矣

隆平集二十卷 明刊本

題南豐曾鞏集晁氏讀書志疑其書出依託非南豐所撰然趙伯倫序謂其爲左史日撰集以進且云曾大父昔與宗正嘗授此書又似無可疑者序作於紹興十二年其曾大父當亦元祐間人也今通行本多謬誤此江西曾氏刻本差勝序後有墨圖記云董氏

萬卷堂本卷中多朱筆校正譌字末有題記一行云乾隆五十年夏四月二十五日兩窗校訖箸溪老人

記

玉牒初草二卷 鈔本

題莆陽劉克莊錄宋寧宗嘉定十一十二兩年實錄

也

古史六十卷 宋刊本

宋蘇轍撰并序又後跋案文定此書草創於元豐中至元祐九年以少府監分司南京暇輒爲之明年三月書成季子遜承命爲之注卷首不題名氏小題在上大題在下書中桓字減筆蓋南宋時所刻每半葉十一行行廿二字舊藏邑中李氏



莊仲寶  
藏朱記

通志二百卷

元刊本

題右迪功郎鄭樵撰并序元三山郡庠刻本每半葉九行行二十一字至治初郡守吳繹嘗捐俸摹印數十部散之江北諸郡序後有至治二年九月印造一百一十條并列當時福州路銜名七行

路史四十七卷

明刊本

宋廬陵羅泌纂其子萃承命作注是書舊本久湮在明時有錢唐本多舛譌豫章本差善而僅梓前後紀其國名發揮餘論等未刻萬厯間廣陵喬可傳參校重刻世始有完本可讀有乾道庚寅泌自序乾道丙申費輝序張鼎思刻前紀後紀序喬可傳重刻序

契丹國志二十七卷

元刊本

宋葉隆禮撰前有經進契丹國志表末題淳熙七年三月日祕書丞葉隆禮上表又契丹國初興本末契丹世系圖契丹國九主年譜契丹地理圖晉獻契丹全燕之圖卷末有黃堯圃二跋其一云契丹國志余向藏鈔本其上方有小字標明書中眼目以為必有所據及觀顧氏元刻本方信鈔本所自出果元本也昨歲春間鮑滌飲以元刻見歸尾卷多缺急向顧氏借錄孰知顧本自十五卷以下皆缺乎遂就其見存之卷校補缺字而還之丁卯正月十九日復翁其一云辛未仲夏書友以契丹國志鈔本求售識是述古堂物與元刻款式同因請西賓陸東蘿鈔補余書之



缺亦一快事也小暑後一日復翁識

大金國志四十卷

影鈔元本

首列宋端平元年正月十五日淮西歸正人改授承事郎工部架閣臣字文懋昭上表目錄後有金國九主年譜又金國世系之圖其表與圖蘇州刻本俱遺又此本眉間有提要語與元刻契丹國志相同乃從元本鈔出故與閣本亦有字句不同處末有漁洋山人跋

蜀漢本末三卷

元刊本

題趙居信集錄居信號東溪信都人此書作於至元戊子首列漢帝世次始高帝終帝禪又世系圖亦然意以蜀繼漢為正統紀事之體亦依綱目而敘述較

詳每條後附諸儒胡氏真氏尹氏蕭氏之論末自為總論一篇美昭烈復漢之功而以史臣進曹魏抑昭烈為厚誣曲諱論後又有自跋至正己丑嗣子某守建寧出其書示建安書院山長黃君復刻之君復有跋卷末有建安詹璟刊一行元刻致佳本也

古今歷代十八史略三卷

元刊本

題廬陵曾先之編紀三皇至宋事為上下兩卷首以歷代國號歌世年歌甲子紀年及國都地名為一卷於史事粗具梗概元時鄉塾課本也舊為錢遵王藏書見讀書敏求記

卷首有述古堂圖書記與祖孝修諸朱記

元祕史十五卷

鈔本

不著撰人名氏是編用蒙古語紀錄所聞旁加翻譯



每段下又爲分解其詞甚俚而敘太祖太宗事最得其實可補元史之闕諸家書目皆不載惟見文淵閣書目此出嘉定錢氏藏本自永樂大典錄出聞又有元刻本作十卷續集二卷

雜史類

國語二十一卷補音三卷

明刊本

古今題韋氏解有序補音則宋庠以唐人舊本補輯書中注明補音者乃宋氏增也明人刻國語散附各條下多脫誤此正德刊本尙仍宋本之舊惟校讐未善間有謬字如魯語踣跂注云賈本作跛布我反注云跛蹇也誤作蹄蹇也舊爲賴古堂藏本

卷首有櫟園周氏藏書朱記

鮑氏國策十卷

宋刊本

題縉雲鮑彪校注前有紹興十七年彪自序次以會鞏舊序劉向進書序劉序後有記云彪校此書四易橐而後繕寫云云卷末又有記云庚午晦重校脫誤猶數十處此書手所撰次書也而若此是以知校正之難也後有刻板跋云國策舊有高誘注甚略吾鄉先生鮑公彪守習孤學老而益堅取班馬二史及諸家書比輯而爲之注條其篇目辯其譌謬缺則補衍則削乖次者悉是正之時出己意論說四易橐始成其用功亦屢矣而世罕傳余得其本刊之會稽郡齋使學者知前輩讀書不苟如此公妙年甲進士第恥求人知嘗有此身甘作老文林之句其志操可見白首始爲郎卽挂冠歸田里杜門著書有書解及杜詩



注行於世紹興辛亥日南至括蒼王信書每半葉十  
一行行二十字注字同書中慎字有減筆孝宗後刻  
本非紹興原刻也明嘉靖龔雷刻本行款相同無王  
信跋而有李文叔王覺書後二篇惟展卷一葉即  
有譌字韓策嚴遂陽堅也堅譌豎留之十四日十譌  
中客之辭辭譌辯其全書迷謬可知已  
鮑氏戰國策注十卷 明刊本  
題縉雲鮑彪校注有序此嘉靖翻宋本終卷後有附  
記一條云庚午原闕晦重校脫誤猶數十處此書手  
所撰次書也而若此是以知校正之難也知當時宋  
本得鮑氏手稟而刻者是本卷末有篆書云嘉靖戊  
子後學吳門龔雷校下有明威二字墨記舊為太倉

陸氏藏本

卷首有潤之  
所藏朱記

戰國策校注十卷

元刊本

題縉雲鮑彪校注東陽吳師道重校此書合高誘注  
姚宏續注校正鮑注闕失每條注明正曰補曰別之  
仍不改鮑注原本面目為從來注國策之最善本今  
世通行有明初刻本曲阜孔氏本此則至正二十五  
年平江路所刊迺吳氏成書後第一刻本也剞劂精  
良校讐無譌乃元刻之僅見者第三四五六卷末有  
至正乙巳前藍山書院山長劉鏞重校勘一行第八  
九十卷末有平江路儒學正徐昭文校勘一行有彪  
自序師道自序及陳祖仁序其卷首牒文及劉向曾  
鞏序李文叔王覺孫元忠書後姚寬耿延禧序已闕



貞觀政要十卷

明刊本

題唐衛尉少卿兼修國史修文館學士吳兢撰陳氏書錄云新舊書列傳兢未嘗為此官而書亦不記歲月案舊唐書兢傳實載此官惟不載是書耳元合魯合刺解嘗為之解以進見危太樸合魯武惠公家傳今亦不傳是本注文為至順間臨川戈直伯敬所作又采唐宋諸儒說附之名曰集論刊於成化元年有兢自序吳澄題辭郭思貞題辭戈直序及明憲宗御製序

奉天錄四卷

舊鈔本

唐趙元一撰并序專紀朱泚作亂事始建中四年迄興元元年藏書家題著錄惟見崇文總目陳氏書錄

及通志

五代史闕文一卷

舊鈔本

題宋翰林學士王禹偁撰進有自序書凡十七篇謂辭史所闕也歐史多采用之此本為孫潛夫鈔卷末

題記云辛酉夏六月借黃俞邵鈔本一樹

卷中有孫潛之印

夫二朱記

五代史補五卷

舊鈔本

題潯陽陶岳介立撰有自序岳為雍熙二年進士晁氏讀書志陳氏書錄俱作五代補錄共一百七事此則一百四事蓋有闕遺矣卷末有野竹齋藏本五字題記云己亥歲仲夏下浣傳俞氏假唐月心本重錄一過又云嘉靖十五年歲次丙申季秋下浣柳僉重



錄又朱筆題云崇禎辛未仲春六日以海虞馮已蒼鈔本對閱于寒山小宛堂則趙靈均筆也

卷首有沈與文印沈

辨之印姑餘山人諸朱記

靖康紀聞一卷 舊鈔本

題武陵孤臣丁特起編集前有自序謂靖康元年在

京師為西樞門下客頗得其事繼趨函關與同舍郎

講問尤詳悉懼天下後世或失其傳因列日以書之

起元年十一月至明年五月九日日擊親聞罔敢違

誤蓋實錄也

建炎復辟記一卷 舊鈔本

不著撰人陳氏書錄亦曰無名氏全書俱紀苗劉之

亂而載韓蘄王兵事特詳殆蘄王麾下賓客所紀

有平江陳氏西酌艸堂藏本諸朱記

松漠紀聞二卷 明刊本

宋洪皓撰紹興丙子伯子适刊於歙有跋乾道九年

仲子遵守建鄴又刻之并撰補遺十一事於後皆得

之傍侍親聞者亦有跋此明嘉靖間郡中顧氏重雕

本卷末有長洲顧氏家藏宋板校行一條 卷首有孫潛及潛夫

二朱記

大金弔伐錄二卷 舊鈔本

不著撰人名氏紀金太祖太宗與宋用兵事詳載國

書答書誓詔事目冊表之類而終以冊封劉豫及豫

謝表書分兩卷上卷始天輔七年至靖康元年下卷

始靖康元年至天會七年此明長沙李文正公家藏



本卷中朱筆塗改自注據宋本皆公手筆也卷首有西涯及

子孫永寶

二朱記

辛巳泣蘄錄一卷舊鈔本

題從政郎蘄州司理權通判兼淮西制置司僉廳行

司公事趙與寰編紀嘉定十四年金兵陷蘄州郡守

李誠之死難事宋史與寰誤作與裕舊為汲古閣藏

本卷首有汲古閣毛晉私印字子晉諸朱記

金國南遷錄一卷舊鈔本

題金通直郎祕書省著作郎騎都尉張師顏撰自序

紀金南遷汴京事與金史多牴牾不合末有元浦元

玠跋

詔令奏議類

唐大詔令集一百三十卷舊鈔本

宋宋敏求編并序中有闕字宋諱字減筆每半葉十

五行行廿六字世無刊本此明人依宋刻鈔出闕第

十四至廿四第八十七至九十八凡三十三卷世亦

無全本可補矣潛研錢氏謂此書敬宗寶曆元年南

郊赦文有亞獻嘉王運賜物一百匹之語知唐書十

一宗諸子傳及德宗紀俱書嘉王運薨於貞元十七

年之譌唐人著述可援以訂正史籍者不少古書所

以足貴也舊為葉石君藏書卷中有樸學齋陽城張氏省訓堂經籍記張敦

仁讀過太原王氏說經堂收藏諸朱記

西漢詔令十二卷東漢詔令十一卷宋刊本

西漢詔令宋林慮編有大觀三年程俱蔣階序又慮



自序東漢詔令樓昉續編有嘉定十五年自序是編為南宋時合刊亦名兩漢詔令卷首目錄前有洪咨

夔總論每半葉十行行十八字匡桓字減筆舊為葉

九來沈椒園藏書卷中有葉氏藏書南陽講習堂光輪印玉峰徐氏藏書沈廷芳印椒

園諸朱記

宋大詔令集一百九十五卷舊鈔本

不著撰人姓名據陳氏書錄趙氏讀書後志皆云紹

興間宋宣獻家子孫所編纂玉海亦云出於宋綬之

家案唐大詔令為宣獻子敏求所編此書殆出敏求

之後歟原書二百四十卷今闕宰相類卷七十一至

九十三武臣類卷一百六至一百十五政事類卷一

百六十七至一百七十七凡四十四卷雖已殘佚而

也  
北宋典章所存實多其可據以參校宋史者不勝數

注陸宣公奏議十五卷元刊本

唐陸贄撰宋郎暉注案暉字晦之為岷縣主簿嘗注

宣公奏議及三蘇文投進見周輝清波雜誌此本前

有紹興二年八月初七日進表而表中有至尊壽皇

帝云云則紹興乃紹熙之譌也又有權德輿原序蘇

軾進讀劄子卷一後有墨圖記云至正甲午仲夏翠

巖精舍重刊卷首有敬父二字朱記

孝肅包公奏議集十卷明刊本

宋包拯撰門人張田編田題辭謂公薨後三年田守

廬州盡得公生平諫草於其嗣子大祝君因取其大



者列三十門凡一百七十一篇紹興二十七年廬州學教授吳祇若刻板郡學旋燬淳熙二年合肥守東平趙礪老復跋而刻之明正統間合肥方正又有重刻本有胡儼序及正跋此則嘉靖間崇藩刻本卷中遇陛下聖慈等字每空格蓋輾轉相承猶不改舊本之式有舊序跋及嘉靖二十二年崇藩序

元城先生盡言集十三卷

明刊本

宋劉安世撰前有張九成序後有王絢梁安世跋淳熙中有刻本隆慶辛未銅梁張壚山刻於大名郡學陸柬石星爲之序書中語涉宋帝俱空一格猶仍宋本式也

李忠定公奏議六十九卷附錄九卷

明刊本

宋李綱撰陳俊卿及朱子二序俱稱八十卷此明正德間巡按福建御史山陰胡文靜所刻非舊第矣有文靜及林俊序

石林奏議十五卷

影鈔宋本

宋葉夢得撰舊不題名亦無序每卷次行題模編案宋史本傳模公之子也建康集百卷已佚今傳八卷本無奏議此本見陳氏書錄知宋時亦單行於世者其目按職守編次始應天尹終福建路安撫使皆過江後之作故趙氏輯諸臣奏議惟採上徽宗論朋黨之失一篇而未見此書宋史作傳悉敘其官與此所載略同且多采其辭是史臣亦見其書者惟傳中未及其爲應天尹乃其疏處郡中士禮居黃氏嘗得宋



刊本此從之影寫者每半葉十行行二十五字百宋一塵

賦注作每行二十字脫去五字後有跋末署開禧丙寅六月既望姪

孫朝奉大夫改差權知台州軍州兼管內勸農事借

紫箋謹書惜書中間有剝蝕跋尤蝕者過半不能讀

矣

宋特進左丞相許國公奏議四卷鈔本

宋吳潛撰案公有履齋遺集四卷宣城梅氏所編已

著錄 四庫全書提要此書傳本絕稀惟見淡生堂

書目前有二序一為里人一為後裔皆不著姓名奏

議凡六十三篇始紹定四年終景定三年宋史本傳

所載諸疏悉在卷中

國朝諸臣奏議一百五十卷宋刊本

題龍圖閣直學士朝散大夫成都潼川府夔州利州

路安撫制置使兼知成都軍府事兼管內勸農使充

成都府路兵馬都鈐轄祥符縣開國伯食邑九百戶

臣趙汝愚編有進書劄子并序此書以北宋諸臣章

奏分類編輯始事於守閩郡時成書於知成都日凡

十二門曰君道帝系天道百官儒學禮樂賞刑財賦

兵制方域邊防總議進呈乙覽蜀中有刻本旋以兵

燬淳祐間忠定孫必愿出家藏橐本福建路提舉史

季温重刻之卽是本也每半葉十一行行廿二字有

趙希滯及史季温序

諸臣奏議一百五十卷校宋本

此錫山華氏會通館本卽依宋本擺印惟原闕處卽



鐵琴銅劍樓藏書目錄卷第九  
連接之爲謬友人邵脰仙據宋本一一校正跋其後  
云會通館活字本中間譌謬舛踳幾不可讀甲申秋  
七月假張月霄所藏宋板讐校缺者補之訛者正之  
以甲之前半篇接乙之後半篇而不能句讀者足之  
宋板漫漶者闕之凡雙行夾注者悉以紅點誌之歷  
十月而始蕝事其趙希澗序一篇奏劄一道自敘一  
篇史季温跋一篇總目十三葉活字本未錄目錄一百四  
葉俱照宋板錄出以存其真



